



Inatsisartunut ilaasortaq Naaja H Nathanielsen
/Maani

§ 37 naapertorlugu apeqquteqaammut nr. 162-imut akissut

Naalakkersuisut julip 29-ani 2014-imi Inatsisartut suleriaasianni § 37 naapertorlugu Inatsisartunut ilaasortamit Naaja H Nathanielsenimit apeqquteqaammik tigusaqarput.

Makkuningga apeqquteqarputit:

1. **Nuna tamakkerlugu atuagassianut tapiissuteqartarnermi qinnuteqartup amigartooruteqarsimannginnissaa piumasaqaataanngitsoq, erseqqissumik oqaatigineqassasoq Naalakkersuisut qinnuigineqarput?**

Akissuteqaat:

Konto 10 06 24-imut oqaasertaliussani allassimavoq:

"Aviisit ingerlaannarnissaat qulakkeerniarlugu tapiissuteqartoqartarpoq, peqatigitillugulu aamma allatut siammarterisinnaanermut ineriartortitsinissaminnik imaluunniit sunnuteqarnerusumik tunisassiorsinnaanermut teknikip tungaatigut nutaanik suliniuteqarnissaminut periarfissinneqassapput.

Konto pingaarnermi matumani aningaasaliissutit qinnuteqarnikkut tunniunneqartassapput. Qinnuteqartunut piumasarineqarpoq sapaatip akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqartassasoq.

Konto pingaarnermi matumanga aningaasaliiffiqineqarnissamik ukiut tamaasa qinnuteqartoqarsinnaavoq kingusinnerpaamik januarip 8-ani."

Qulaani oqaatigineqartut tunngavigalugit Sermitsiaq AG-p qinnuteqaataa Naalakkersuisut suliaaraat. Taamaalilluni qinnuteqartoq amigartooruteqarsimanersoq matumani pineqanngilaq naak apeqquteqartup tamanna ilimanarlunnartutut apeqqummini taamatut nipeqartinniaraluaraa. Ilumoortorli tassaavoq, tassalu qinnuteqaat qaammammik ataatsimik kingusinaartumik tunniunneqarnikummat, tamatuma saniatigut suliap suliarineqarnerani qinnuteqartup aningaasaqarnikkut ingerlalluarnera ukiullu tulleriit arlallit sinneqartooruteqartarsimanagera eqqarsaatigineqarput, taamaalillunilu aamma tamatuma kinguneraalugu aviisip ingerlaannarnissaata qulakkeernissaanut innuttaasut akileraarutaannik atuinissap pisariaarunnera.

2. **Suli manna paasiuminaappoq, tassalu Naalakkersuisut isumaqarnerisut tusa-gassiorfiit pisortanit tapiissutisartut tunngaviatigut killilersugaasut taamaalillutillu aamma pituttorsimanatik tamat oqartussaaqataanerat malillugu oqarsinnaatitaanngitsut.**

11-08-2014
Sulap nr. 2014-102382
All. nr. 1651230

Postboks 1015
3900 Nuuk
Oqarasuaat (+299) 34 50 00
Allakkasartaat (+299) 32 50 02
E-mail: govsec@nanoq.gl
www.naalakkersuisut.gl

Naalackersuisut isumaqarpat tusagassiorfik tapiissutisisartog kiffaanngissu-seqanngitsoq? Apeqqut taamaallaat "aappimik" imaluunniit "naaggamik" akeqquneqarpoq.

Akissuteqaat:

Naalackersuisut isumaqarput, apeqqut "aap"-imik "naagga"-milluunniit akineqarsinnaasoq.

Naalackersuisunit tusagassiiarnikkut killilersuisoqannginnissaa aamma qanorluunniit oqaaseqartoqarsinnaanera tapersorsorneqarput, taakkumi marluk inuiaqatigiinni tamat oqartussaaqataaffigisaanni pingaaruteqarlunnartumik toqqammaviusutut inissisimamata. Taamaattumik naalackersuisuutitaqartut illua-tungiliuttullu kikkugaluarpataluunniit qaqugukkulluunniit tusagassiorfiit killilersugaanngitsumik inuiaqatigiinni ingerlatsinerminnik isumaginnissinnaanissaat pingaartuuvoq.

Naalackersuisuutitaqartunit tapiissutigineqartut tamat oqartussaaqataanerannut qanoq sunniuteqassanersut Naalackersuisut naalagaaniarfigissanngilaat, oqaatigiinnarusullugulu tapiissuteqarnissaq pisariaqarunnaaraangat kikkunnut tamanut pitsaanerpaamik ineriartuutaasarmat aviisimut suliffeqarfittut aammalu tamat oqartussaaqataanerannut.

- 3. Soorunalimi tapersorsornartinneqarpoq piffissaliussaasut malinneqartarnissaat Naalackersuisunit assut pingaartinneqarmata. Naalackersuisut 2013-imili naalackersuisunngoramik qinnuteqaatinik piffissaliussaag naareersoq nassiunneqarsimasunik akuerisaqarnikuuppat? Matumani eqqarsaatigineqarput pisortanit tapiissutaasartut suulluunniit aningaasaliissutaasartullu?**

Akissuteqaat:

Piffissaliussanik malinnittarnissaq nalinginnaasumik Naalackersuisunit aamma Inatsiartunit pingaartinneqarput. Qinnuteqartarnerit piffissaliussallu pillugit apeqquteqartup paasisaqarnerunissani kissaatigissappagu apeqqutigineqartut erseqqinnerunissaannik aammalu apeqqutini Aningaasanut Inatsimmi kontonut pineqartuni naalackersuisutut akisussaasunut apeqquteqaqqullugu qinnuigissavara.

Suliami pineqartumi matumani tassalu aviisinut tapiissuteqartarnermut tunngasumi aammalu nuna tamakkerlugu aviisinik saqqummertoqartarnissaata pingaaruteqarnera pissutigalugu naak qinnuteqarnissamut piffissaliussaag naareeraluartoq, taamaattoq aviisip ingerlaannarsinnaanera qulakkeerniarlugu tapiissuteqarnissaq pisariaqarnersoq Naalackersuisut nalilersuerusussimapput.

Inussiarnersumik inuulluaqqusillunga

Med venlig hilsen

Aleqa Hammond

